



Bubenheimer  
Kerwerede  
1983

Buwerumer Kerweredd am 03. Juli 1983

Ehr Leit, es is jetzt wieder soweit,  
in Buwerum is Kerwzeit.

Die Leit warn desjohr mit Tate werklich sparsam geweiß,  
trotzdem hern ehr jetzt e paar Spaß.

E paar saftige Dinger sin passiert,  
die hemmer aach glei uffs Papier geschmiert.

Ich les eich die Schandtate jezt emol vor,  
horschen gut zu un sin ganz Ohr.

Wann mer ener vergeß hun, der soll sich net beschwere,  
der werd negschtjohr garantiert noch vun uns here.

Aber ich will net noch mee Worte verliere,  
sondern emol den gute Woi probiere.

-----

Ich will eich mol teschte, kennen ers noch???  
Die Buwerumer Kerb, sie lebe HOCH, HOCH, HOCH!!!


-----

Bubenheimer

vom 2. - 4 Juli

Kerwe

wird in der Dorfgemeinschaftshalle  
gefeiert.



Für Ihr leibliches Wohl ist gesorgt  
Täglich geöffnet, (ab 19<sup>00</sup> Uhr, samstags ab 15<sup>00</sup> Uhr,  
sonntags ab 10<sup>00</sup> Uhr)

Dorfgemeinschaftshalle Bubenheim

Tel.: 06355 / 770

## Kalbung mit Hindernissen

Is es emol Freitag owend, die Kieh sein gemischt,  
geht en bestimmte Hinnergäßler noch long net ins Nescht.

Er schnappt sich sein Mandel un wetzt in die Hall,  
denn dort wern die Biercher schon fer en kühl gehall.

In de Hall, wie kanns annerscht sei,  
war er a glei bei de Kärtler dabei.

De Hektor hot sich misse mol off die Kloschissel schwinge  
do hot unser Mann misse für den korz enspringe.

Er hot e bombe Blatt uff de Hand unn war grad toll in Aktion  
do rappelt plötzlich es Telefon.

Es war dem bestimmte Mann sei Mutter dra,  
sie hät erm Sprößling ebbes wichtiges zu saa.

Sie meent:" En Notfall steht ins Haus,  
bei unsrer Kuh will e Kalb eraus".

In 3 Minute war er zu seinem Vieh gesprung,  
un hot die Kärtler als Geburtshelfer mitgebrung.

De Gago war de neigierischste von alle,  
hot kenne die Kuh aber wege seim Gips net halle.

Um die ganz Sach so recht zu überblicke,  
hot er sich misse sogar noch e stick bicke.

De Dick un de IXI hatten die Kuh in ern Griff gebrung  
un de Dietsch hot die Anweisungen übernumm.

Er hot versucht des Kalb eraus zu ziehe,  
und die zwe Geburtshelfer hatten ach werklich viel Mieh.

Di Geburt war nämlich jetzt in vollem Gange,  
doch de Hektor hot dene andere nur im Weg gestanne.

Er hot gement: "Des is jo e schweri Geburt,  
versuchs doch mol mit em Sicherheitsgurt."

Doch was a Glick, hot sich die Kuh noch bemiecht  
so hen se des Kalb ach ohne Sicherheitsgurt e rauskriet.

Die Kuh war no dere Geburt ganz fertig gewes,  
aber net von dem Kalb sondern vom Hektor seine Spaß.

Zum gute Schluß, liewer Ditsch geb ich der noch en Tip,  
schlepp niemie de Hektor zum Kalbe mit.

Sunsch geht am nächste Dach de Wolfi wieder im Dorf erum,  
un saht de Hektor hot e Kalb uff die Welt gebrung.

*Avant Garde*  
*Institut f. Ganzheitskosmetik*

*E. Marouelli*  
med. Fußpflege

6719 Bubenheim  
Vor Anmeldung

063 55/29 43

In de Hexenacht werd Rabatz gemacht

Die Nacht zum erschte Mai, ehr wissens schun,  
is Hexenacht in Buberum.

Alles, was net feschtgekett,  
werd wun de Jugend fortgeschleppt.

Doch bevor die Arbeit werd aagang,  
wern noch e paar Biercher eigefang.

Dendewe hunn sich die Hexe zuerscht im Feierwehrheisje versammelt  
un sin anschließend dorchs Dorf gegammelt.

Ehr wissen jo, unser Hexe sin net dumm,  
deshalb is aach einiges zusammekumm.

Sie wollten den Krempel beim Theobald uff de Stroß verstaue,  
doch der hot sich gedenkt," Bevor se mer wieder die Kanaldeckel klaue,  
schließ ich die Deckel lieber ab,  
damit ich heit nacht mei Ruhe hab."

Die Hexe hunn sich awer net schocke loß,  
sie trugen ehr Diebesgut in die Wiesestroß,

genau vors Schneiders ehr Haus  
dort sah des Zeig werklich bombig aus.

Bei der Gelegenheit wollten so e paar dumme Stiere  
aach glei es Schneiders ehrn Gartetisch entfiere.

Doch de Schneider war uff de Wacht  
un hot sofort sei Taschelämpche agemacht.

Do hot de Ronny die Angscht gefaßt,  
er is uff de Gartezaun zugerast,

wollt drüberhupse mit me große Satz,  
do lag er aach schun uff de Fratz.

Sei Warz uff de Nos, die war verschwunn,  
zwo Schneidezäh warn abgesprung,

so kam er lispelnd ins Feierwehrheisje zurück  
un meent," De Zaun hat net so viel Glück."

E paar ältere Johrgäng wollten mol wieder bei de Hexe mitriehre  
un de Otterschmer en Streich uffiere.

De Eddi un de Socke warn glei bei de Sach  
un henn sich uff de Weg dorchs Dorf gemacht.

In de Unnergass henn se e Kegipsplatt gefunn,  
die henn se enuff zum Socke gebrung.

Die Annere hunn sich in de Weschkich beim Socke getroff  
un die Sach mit dem Streich is langsam ageloff.

Die Marion is hom, hot Farb geholt  
un glei zwee Zollschilder gemolt.

Denno henn sich die ganze Hexe vorm Feierwehrhaus eigefunn  
un sin dann gemeinsam in Richtung Otterschem gesprung.


Sie hunn e Zollschild am Reitstall agebrung,  
des Annere un e Barrikad an de Ringstroß in Buberum.

Mojens hatten die Otterschmer die Schilder glei entdeckt,  
denn die Glocke in Buberum hatten se zum Kerchgang geweckt.

Sie waren ziemlich entbrüstet  
un henn sich fer Necschtjohr zum Gegeagriff gerüstet.

Ich kumm jetzt zum Schluß un dank alle Hexe, daß se henn mitgemacht,  
denn jetzt sin mer entgültig mit de Otterschmer verkracht.





Hoffentlich

ALLIANZ

versichert!

Unser Versicherungsvertreter wird

Sie gerne beraten:

---

Willibald Lebkücher

Hauptstr 2

6719 Bubenheim

Tel. 06355 / 619

---

## Urlaub macht Spaß

Desjohr zum Frühlingsbeginn  
kam em es Urlaubmache in de Sinn.

Einesteils der Frauen wegen,  
welche in anderen Ländern leben.

Zweitenteils weil man dann und wann  
einmal richtig lieben kann.

Er hot sich deshalb in e Flugzeig geschwung,  
des hot en no Teneriffa gebrung.

Dort standen die Fraue Spalier  
un fiehrten en gleich in sei Quartier.

En deitsche Mann werd dort unne groß geschreb,  
drum sein se aach an em hänge gebleb.

Am Strand hun en e paar nackte Mädcher entzickt,  
drum hot er se glei fotografiert un als Poschkart no Buwerum geschickt.

Die 2 Woche Urlaub hatten en ganz schee geschlaucht,  
denno hätt er noch emol 3 Woche zum Erhole gebraucht.

Braungebrannt un hellauf beglickt  
is er wieder in Buwerum engerickt.

Er wollt uns leider vun seine tolle Erlebnisse nix genaures verzähle,  
mer hen kenne nur des bisje, was er geheert hum, aus em erausquäle.

Liewer Hermann, dein Urlaub mus jo toll gewes sei,  
lad doch negschtjohr emol die Kerweborsch (-mäd) no Teneriffa ei.

Soll es



Qualität bei

Lebensmitteln sein,

kauf bei Maria Kippenberger

ein.



Maria Kippenberger

Hintergasse 22

6719 Rubenheim

Tel.: 06355 / 810

## Das Wandern ist des Eddys Lust

Jedes Johr dut de SGV e Weihnachtsfeier verastalde  
un do debei sei Mitglieder zu e paar Späßjer entfalde.

So wern zum Beispiel immer e paar Spielcher organisiert  
un em Gewinner e Weihnachteüberraschung spendiert.

Vorsjohr hot de Eddy de erste Preis gewunn:  
es war durchs Zellertal und Violental e Wannerrung.

Am Pingstmontag, mojens um 8 Uhr, wars endlich soweit,  
halb Buwerum war zum Laafe bereit.

De Eddy hot die ganze Meute agefiehrt,  
un nom Plan sin se vun de Hall aus no lmmeshem marschiert.

Dort hun sich de Eddy, de Xi un de Erwin im Sackhupse getest  
un hen ern Dorscht mit eme Kümmerling gelescht.

Dennoh hen se glei Hunger verspiert,  
do hot se de Eddy no Haschhem ins Linne zum Friehestick gefiehrt.

Vollgefress bis uffs letschde Loch  
sin se bei strömendem Reeh de Zeller Berg enuff gekroch.

Dann hot de Temde Eddy zur Schatzsuche in de Park geschickt,  
un der hot a prompt a Flasch Woi erblickt.

Die war awer net lang zu,  
de Eddy hat se glei mit e paar anere gute Troppe uffgezoh.

Dennoh sin se ans Denkmal kum  
un hun dort en gedeckte Tisch vorgefunn.

Es war awer nix Eßbares dabei,  
sondern hauptsächlich gute Woi.

Des hot dene Wannerer natirlich nix ausgemacht,  
im Gegeteil sie hen sich no e paar Fläschjer uff de Weg ins  
Kleeters gemacht.

Dort wass ganz schee voll geweiß,  
awer zum Schluß hatten se all ehr Plätz.

Sie hen erst emol was Gutes zum Esse bestellt,  
un hen sich dann frisch gestärkt vor de Wertschaft zum  
Uffbruch zusammengestellt.

Es hot jo werklich gerehnt bis dortenaus,  
awer sie hen sich gedenkt, des macht uns nix aus.

Desweh hen se e Liedche agestimmt,  
un sin frehlich de Berg werrer enuner getrimmt.

Pletzlich hot dann de Socke e Pitsch entdeckt  
do sin in ihm Kindheitserinnerunge erweckt,

er is mit aller Wucht enengesprung  
un hot die Arie vun de Furrie gesung.

Die negscht Station war in Nieferum,  
do hen se sich im tränende Auge engefun.

Dort warn se all uffs Spiele verrickt,  
awer de Eddy war gar net beglickt.

Er hot gesaht kriecht, daß er Blume pflicke muß  
un die jeder Dam gewe muß mit eme Kuß.

Er hat glei e paar Pfingstrose gefunn,  
un die Fraue sin em mit offene Ärm entgegen kum.

Dennoh sin se durch die Fußgängerzohn ins Puders getappt  
un hun sich am gute Woi gelabt.

Schließlich hen se de Homweg agetret  
awer an de mebefabrik noch e Paus engeleht.

Seilhupse stand dort uff em Programm,  
es hot misse jeder ran.

Dabei sein iss alles hen se sich gedenkt,  
un zum Schluß noch en Kümmerling ennunnerggeschwenkt.

Als krönender Abschluß sin se in de Hall engeloff,  
do hen se sich endgültig unner de Disch gesoff.

Eddy, noch en gute Tip, die Wannerrung war werklich fit,  
hoffentlich masche des Johr an de Weihnachtsfeier werrer mit.

=====

# TRANSPORT - PROBLEME

leicht gemacht, mit der

Bubenheimer



Transportgesellschaft mbH

Untergasse

Tel. 06355 1678 und 377

6719 Bubenheim

Heinrich Weber ist ihr Mann!

## Feierwehr-Familiedaag

Liebe Leit, jetzt kummt en große Clou,  
also hern mit beide Ohre zu.

Es dieshährige Feierwehrrfescht war en tolle Spaß,  
einige wurden dodebei ach e bisje naß.

Die Feierwehr es steckt schon drin,  
hot in erschter Linie es feiere im Sinn.

Die ledschde Johre waren die Männer immer unner sich,  
do kamen meistens schmutzige Sache uff de Disch.

Doch desjohr war des annerscht geweß,  
mer hot mit Fraa un Kinner gefreß.

Weil ziemlich viel Leit sin aagehampelt,  
hot e ganzi Wutz am Grill gebambelt.

Mittags um 12 ging es große Fresse los,  
nadierlich sin ach die Getränke gefloß.

Um 4 Uhr sin e paar Fraue fortgerollt  
un hen Kaffee un Kuche geholt.

De Kuche war noch net ganz drunne,  
do sin se schon uff dumme Gedanke kumme.

Die Gerti hot gemeent: "Wie wärs en mit ner Schulübung?"  
Doch de Einfall is bei de Männer in de falsche Hals eneikumm.

Sie hen sich gedenkt, "warum sollen dann mer immer es Feier lesche,  
des kennen ach unser alte Reche!"

Die Fraue warn ach glei debei  
un sin zum Umziehe ins Feierwehrrheisje enoi.

Als "Feierwehrmänner" sin se aagedreet,  
die Meute hot ganz schee gegröhlt.

Nom Gruppebild sin se dann losmarschieret,  
die Männer hen se zum Übungsplatz dorunner gefiehart.



Es stand zwar bloß e Truckeübung uff em Programm,  
awer trotzdem war ganz schee Tamtam.

Die Fraue hen gemeent: "So e Trucke-übung macht doch gar keen Spaß,  
also mache mer uns noch e bisje vun inne naß!"

Sie hun en ganze Stein ennunnergkippt,  
un die Männer warn gar net entzickt.

Deno is die ganz Mannschaft zurückmarschiert,  
währenddesse hun die Kinner em Spatz seine Ent die Autositz entfiehrt.

Dann wars 6 Uhr, högschte Zeit,  
alle warn wieder zum Schmatze bereit.

Nom Esse iss ne de Eifall kumm,  
die Fraue wern jetzt entgültisch in die Feierwehr uffgenumm.

Die Fraue sin in die Reemäntel gehuscht,  
dann wurd jedi mit em Eemer Wasser geduscht.

Des Wasser war kaum über se gekippt,  
do hatten se aach schunn am Mampe genippt.

Mit de Letscht wollt de Eddi en Streich spiele,  
doch er muß selbscht es Wasser vun unne bis obbe fiehle.

Die Meute hot wild gelacht,  
aber de Eddi hot sich uff de Homweg gemacht.

So isses Feierwehrfescht em End zugang,  
nur die Hinnerschinke vun de Wutz hen noch am Grill gehang.

---

Drum liebe Feierwehrleit lossen eich saa,  
so e Fescht mit Familie iss jetzt jedes Jahr draa.

---

# Der Bubenheimer Kerwe

wünschen wir einen guten

Verlauf sowie

allen Beteiligten und Besucher

frohe und gemütliche Stunden.

Wir empfehlen uns

als Ihr Partner für

Fenster-Rolläden-Haustüren

**FEROTÜ**  
*Schmitt* GmbH  
& Co

6719 Göllheim

Tel: 06351-6041-43

## Fassenacht, die Worscht werd weggemacht

Wie ehr wissen war in Buwerum an de Kappesitzung mords was los,  
do kam sogar es "ZDF" ganz groß.

Des ganze Spektakel wurd uff Video uffgenumm  
un e paar Woche später fer die Aktive uff die Leiwand gebrung.

Sie hen die Vorführung iwver sich ergehe loß  
und es Bier un de Wei sin reichlich gefloß.

Do is natirlich zum Schluß widder e paar en bombige Gedanke kum,  
sie sin noch schnell zum Ottel gesprung.

Der hat grad an dem Daag Schlachtfescht gehat  
un so hot die Brigitte glei e paar Worschtebrote gemacht.

Sie han ziemlich gemietlich beisamme geseß  
un de Ottel hot sogar de Uschi aus de Händ gefreß.

Er hot gemeent: "Meini kimmert sich nie so sorgenvoll um mich,  
drum wend ich mich negschtens öfters an dich."

Mittlerweile hat de Schrötter e Kult entdeckt  
un sich dann als Scheisch ins Ottels er Wohnzimmer versteckt.

Uff emol hun die annere gedenkt: "Na, wo is dann de Schrötter gebleb?"  
Doch do hot en die Annelie schun mit eme Kuß aus seim Schlaf geweckt.

Er war in Null-komma-nix widder hellwach geweß  
un hot noch schnell de Rescht vuns Ottels ehre Worschtebrote geß.

Schließlich hen se sich am friehe Mojend vollgefress un vollgesoff  
uff de Heemweg gemacht,  
un sin uff alle viere ins Bett gekracht.

De Ottel war am negschde Daag ganz schee vedroß,  
denn sie hatten nimie viel Worscht iwverischgeloß.

Ottel noch e gutes Wort zum Schluß:  
Geb negschd Jahr dei Schlachtfescht net bekannt,  
sunscht kummt die ganz Meute widder ogerannt.

## Scherben bringen Glück

No Kriegsfeld, oh weh oh kraus,  
do zogen emol die Sanger aus.

Un wie des so is, des wissen ehr jo,  
do werd gewaltig eener dorschgezoh.

Schun uff de Heemfahrt is ene de Gedanke kum,  
mer gehn noch zum Spatz uff en Sprung.

De Spatz war begeistert un saht: "Gehn mit,  
ich bin jetzt grad so richtig fit.

Ich hun die Woch e Sau geschlacht,  
also werd de Schwartema weggemacht!"

Zum Schwartema gehert ach gutes Glasje Wei,  
drum wollt de Spatz de Disch decke ganz fei.

Un wie er mit eme Tablett voll Glaser kummt o,  
do stellt em doch de Ditsch es Bo.

De Spatz wollt rette des gute Kristall,  
awer schon is er mit samtem Tablett uner de Disch gefall.

Vun dem Krach war die Elke glei munter gewe.  
un hot die Deer vum Wohnzimmer uffgere.

Do meld sich de Erzengel un saht: "Des kann uns net jucke,  
mer bleiben noch e bije hucke!"

No 1-2 Stun warn se endlich zum Uffbruch bereit,  
awer de Spatz war ach sein Schwartema geweit.

Trotzdem Spatz sieh des net so eng,  
de Ottel sitzt in deselbe Klemm.



Das  
Lebensmittelfachgeschäft

mit der  
außergewöhnlichen

Note.

Gehen Sie zu:

Herbert Frey

Hauptstr. 19

6719 Babenheim

Tel.: 06355 / 730

Metzger werden ist nicht schwer

Ehr Leit gehn net hom, mer hern noch net uff,  
jetzt kummt unsern Metzjer vun de Hauptstroß druff.

Un zwar im April wars widder soweit,  
die Feierwehr hat er Übungszeit.

De Ranger hat sei Männer ame Montag ganz schee erumgehetzt,  
drum sin se zum Schluß noch in die Hall gewetzt.

De Dick hot an dem Dag noch Geburtstag gehat,  
desweh hot er glei e paar Steincher gemacht.

Natirlich hot sich de Setzer, als neie Vater, ach net lumpe loß  
un so sein die Biercher halt gefloß und gefloß.

No e paar Stun war die Mannschaft schließlich ganz schee fit,  
so sin se zu größere Tate geschritt.

Sie hatten gehert, daß de Lui noch e bißje Worscht zu mache hott,  
un glei warn se flott.

So sin se enuff in die Metzjerei marschierf  
un hen es Worschtmache probiert.

E Werschtsche muß halt hygienisch sei,  
drum hense er Händ gewesch ganz fei.

De Lui hot jedem e Gummischerz verpaßt  
un sie hen gemeinsam die Ärbet ogefaßt.

Sie hen de Deeg geknet bis er war ganz dinn,  
dann hot er misse in die Füllapparat eninn.

Zwo

Zwo Helfer hun die Worschtdärm uffgezoh  
un de Lui hot se gefillt un zurechtgeboh.

Zwee annere hen die Forme fer de Fleschkäs ausgeschmeert  
un derwil ach glei de Owe gescheert.

Sie hen geschafft im Akkord  
un de Deeg war ruzdibuz fort.

Die Werscht sin allesamt in de Kochtop gewanert,  
deno hot se de Lui in de Räucherammer feschtgeklammert.

Die Bilanz vun dere Worschnacht war gar net schlecht:  
es warn 60 Ring Fleschworscht, 4 Fleschkäs un ach noch 100 Werscht.

Mer wollen die neie Metzjergeselle net ugenannt losse,  
es warn de Eddy, de Tom, de Setzer, de Ranger un de Socke.


Damit ich zum Schluß e Lob fer die Metzjer net vergeß,  
muß ich sah, die Worscht war werklich gut geweß.

Drum lieber Lui loss der sah,  
die Feierwehr is net nur zum Lesche da.

# METZGEREI LUDWIG



Hauptstr. 1 6719 Rubenheim  
Tel.: 06355/558



Filialien in Morschheim  
und Biedesheim  
sowie Verkaufsstellen in  
Einselthum, Orbis und  
Mauchenheim.



Die große Schläck gehn langsam zur Neige,  
drum kumme mer jetzt zu de Kleinaneige:

Die Anzeigen von 1980 hatte Erfolg.

Bär

Hatte bei meiner Suche nach einem Schafhirten nicht viel Glück.

Eschi

Bin jetzt auch Vati geworden, möchte aber anonym bleiben.

Werner Kuhn

Habe mich Gott sei Dank schon in den Elfer-Rat aufgeschwungen,  
arbeite mich jetzt in den Gemeinderat vor.

Hannes

Wohnen erst seit kurzem in Bubenheim, möchten aber doch genannt  
werden.

Kurt und Sonja  
(Fam. Michael)

Da ich jetzt die Jägerprüfung habe, werde ich mir ein nettes  
Häschen schießen.

Hektor

Verwechseln Nachbars Garten mit einer Mülldeponie.

Fam. Ohlinger

Finde meinen Renner seit neustem nicht mehr schön, da manche  
leute behaupten, er sähe wie ein Leichenwagen aus.

Seyb

Suche Fahrlehrer, der mir das Anfahren am Berg beibringt.

Martina Rühl

War auch mal schlanker gewesen!

Willi Bohn

Meine Frau hat mein Rennfieber ziemlich gebändigt.  
Muß mich jetzt mit einer Ente abgeben.

Uli Schmitt

Ich trimme mich seit neustem auf eine andere Art.  
Meine Devise lautet: Früh morgens im Schlafanzug vor der Haus-  
tür Schuhe putzen.

Petter (Fiez)

Man muß auch mal verlieren können.

SGV (Abteilung Fußball)

Suche einen neuen Hahsi, den alten haben sie mir weggefressen.

Götz

Ich bin im ganzen Land als keucher Jüngling wohl bekannt.

Wolfi

Nächstens schlachten wir geheim, damit wir sind allein.

Fam. Otmar Sprenger

Suchen Mitglieder für unseren neuen Fahrradclub.

Fam. Rühl

Bewundere die Bubenheimer Hexen, da sie mir trotz Ketten das  
Tor entwendet haben.

Scharting

Habe jetzt ein Konditionstraining bei unseren jüngeren Spielern  
eingeführt, damit wenigstens die Tischtennis-Abteilung am Ball  
bleibt.

Elsner

Warte auf einen Millionengewinn, damit ich einen Waggon K he kaufen kann und Ottersheim zusch..... lassen kann.

Annelie

Bin jetzt nach langen Verhandlungen endlich auch bei der Feuerwehr.

Fiez

Es liegt jetzt ganz klar auf der Hand, wir dienen bald dem Vaterland.

Hektor + Lucki

Ich bin zwar als Profik rtler wohl bekannt, awer manchmal hab ich doch net so de  berblick  ber die Karte uff meine Hand.

Ranger

Mer machen bal em Gesangverein Konkurrenz.

Die singende Feuerwehr

So, des war alles, was ich eich berichte wollt,  
so mancher vun eich bestimmt innerlich e bisje grollt.

Doch siehn des net so eng,  
jeder kummt emol in die Kerweredd enen.

Ich kann eich nur des eene saa,  
Buwerumer Kerb is net alle Daa.

Drum ziehn lieber eener nei  
vun dem gute Pälzer Woi.

---

Der gute Schluß kummt jetzt noch,  
die Buwerumer Kerb, sie lebe HOCH, HOCH, HOCH!!!

---